



Ulloq 9. oktober 2012

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

- 1. Aatsitassarsiornermut suliassa qarfirmut pilersuisuunermik suliaqarnermik siuarsaaneq Naalakkersuisut Rambøll Grønland A/S-illu kiffartuunneqarnissamik isumaqatigiissuteqarnerat atsiorneqarluni atuutilereerpa?**
- 2. Inatsisartut inatsisissaat Rambøll Grønland A/S-imik isumaqatigiissuteqarnermi tunngavissaasoq suli atuutilinngitsoq Naalakkersuisut suliffeqarfiullu pineqartup akornani isumaqatigiissuteqarluni atsiortoqareernerluni?**
- 3. Rambøll Grønland A/S-ip Naalakkersuisullu akornanni isumaqatigiissummik atsiortoqarsimappat inatsit suna, imaluunniit pisinnaatitsissut suna qangarnisarlu tunngavigalugu isumaqatigiittoqarnikuua?**

(Inatsisartuni ilaasorta q Karl Lyberth, Siumut)

Tunngavilersuut:

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaattut siunnersuut siullermeerlugu Inatsisartuni oqaluuserineqarpoq 27. September 2012. Tassani ilaatigut saqqummiunneqarpoq aatsitassarsiornermut suliassa qarfirmut pilersuisuunermik suliaqarnermik siuarsaaneq Rambøll Grønland A/S-imut kiffartuunneqarnissamik isumaqatigiissuteqarnikkut ingerlanneqassasoq.

Inatsit pineqartoq akuerineqassaguni atuutilissaaq 1. Januar 2013.

Taamaakkaluartoq KNR-kut Rambøll Grønland A/S nalunaaruteqarpoq suliaq taannarpiaq aallartereerlugu innuttaasunillu ataatsimiisitsinerit ingerlanneqassasut siullermik illoqarfinni Upernavimmi, Asianni Uummannamilu.

Inatsisissaq tunngavissaq suli atuutilinngitsoq isumaqatigiittoqarsimasinnaanera eqqumiiginarmat apeqqutit qulaani pineqartut ingerlatippakka.